

Jornal fòra seria dels Aprene 1
Congrès Calandreta 2022

N° 1



Lo 25 de mai de 2022

Mercejaments de la còla per Amandina Garcia
Responsable de publicacion : Xavi Ferré

CLOSER de la «còlò»

L'inconscient es dins la classa... e segurament en defòra

Aquí que sul camin del congrès, l'estrès nos prenguèt cap la presentacion de las matematicas e de las enquèstas. La còla aguèt una bona idèa : far de vodó. E vaquí la consequéncia de la fòrça mentala de las bruèissas que sèm, un pet a la durita mas tot va plan !



Xoxo, Lobeton.

Resson de talhièr : **Talhièr 2nd gra**

Lo tantòst, partiguèri al talhièr del segond gra dins la sala Nauta Valada. I aviá de regents de Calandreta e dels 4 collègis occitans.

D'en primièr, faguèrem un torn de taula e cadun se presentèt e diguèt çò que voliá escambiar. Passat lo torn de taula, se calguèt decidir a prepaus d'una tematica : siá nos caliá desseparar en grups, siá demorar amassa e parlar d'una o doas tematicas.

La causida foguèt de demorar amassa e de parlar d'una tematica plan importanta : l'immersion dins lo 2nd gra. Aprèp aver tractat aqueste subjècte, los regents dels 4 collègis presents a aqueste talhièr prepausèron de cooperar per menar de projèctes que poguèsson recampar los 4 collègis. Demest las idèias qu'ai retengudas : possibilitat de crear 2 delegats dins cada collègi que se trachan de bastir de projèctes per recampar los 4 collègis, escambiar cap a la practica de las cenchas per afortir l'immersion.

Un moment d'escambis plan agradiu !

Guilhèm Arbiòl e la còla

Resson de talhièr : Balham de valor a çò que fasèm ?


Lo termomètre lingüistic es una aisina qu'existís dempuèi 8 ans e que nos ven dels catalans (societat catalana de pedagogia). Foguèt revirat puèi experimentat a la debuta per 3 classas. Permet d'avalorar lo nivèl de lenga dels mainatges en fin de mairala per 4 biaisses : los sons, la memòria auditiva, l'expression espontanèa e la riquesa lexicala.

Las referentas del talhièr constatèron qu'ongan i aviá pas que 9 escòlas que l'empleguèron. Se pausèron la question dels blocatges que pòdon encontrar los regents amb l'aisina. Evoquèrem d'unas ipotèsis : la manca de comunicacion sus l'esplech, la paur d'avalorar, la manca de temps o d'interès, saique una formacion que demòra d'adaptar mièlhs a las espèras.

Per respondre a aquestas paurs quichèrem sus la fòrça de l'aisina que permet d'observar concrètament las produccions lengatgièras dels mainatges dins una mira de valorizacion. A un nivèl mai politic, permetriá al movement de se poder justificar cap a l'immersion en mostrant qu'avalora seriosament lo nivèl de lenga.

Marlena Longelin, Elisà Sigaud, Julia Pastor e la còla

Meteò del jorn : fa solelh, avèm set



Oroscòp deu dia *«La vita qu'ei fantastica»*

<u>Marro</u> Aprestatz-vos, qu'aqueste ser anatz cantar coma un pòrc entravat dins una cleda.	<u>Taur</u> Del «marro» vos sarretz pas, bona serada passaretz.	<u>Bessons</u> Plòu ja, que podètz cantar !	<u>Cranc</u> Sortissètz de la sabla, que fa tres ans que nos sèm pas vistes !
---	--	--	--

<u>Leon</u> Aqueste ser, anatz rugir de plaser !	<u>Verge</u> Se n'i a cobrissètz vos !	<u>Balança</u> Balança lo son anuèch !	<u>Escorpion</u> Levatz lo coide pas la coa !
---	---	--	--

<u>Sagitari</u> Es un jorn per bolegar los esclòps !	<u>Capricòrn</u> Banut, cornut, Ten-te fièr !	<u>Aquari</u> Bota d'aiga dins ton vin, o lo contrari	<u>Peish</u> Ès prèst per cantar coma una serena !
---	---	--	---

Realizèron aquel jornal : Melania Issartier, Marlina Longelin,
Julia Pastor, Milena Galinier, Sandrina Rey, Guilhèm Arbiol,
Elisà Sigaud, Leà Puel.

Volètz veire mai del nòstre jornal ? Rendètz-vos sus AICÍ
ARA : <https://jornal.aprene.org/Aici-ara/>

Jornal fòra seria dels Aprene 1
Congrès Calandreta 2022

Nº 2



Lo 26 de mai de 2022

Mercejaments de la còla per Amandina Garcia
Responsable de publicacion : Xavi Ferré

CLOSER de la «còlò» :

FLASH INFORMACION : una banda de supèrb-galhards en accion !

Sortissèm d'una matinada d'AG a l'espaci Catar, lo mond corrissian d'en pertot al fond del parcatge. Mas de qué se passa ?

Una grisa veitura *Renault Megane* immatriculada CV-6XX-XX visiblement de Tolosa ... (aquò es pas possible !!!) que empachava la sortida. Mas ont es SX ? « SX, vèni nos salvar !! SX, es 12H45, avèm talent, nos cal tornar als talhièrs a 14H, ai l'ausèl que me pica la gàbia! SSSSXXXXXXXXXXXXXXXXX!!!!!!!!!! »

Aquí, lo SX arriba, daissa tombar pel sòl la clopineta electronica, recampa la banda dels supèrb-galhards d'un agach e aquí lo miracle de la cooperacion salvèt la crida terribla del ventre. Incredible, uèit òmes de braces nuses soslevèron la veitura un còp, non pas, dos còps, sens bufar!

Entrevista SX de Milena :

- Adiu SX, nos pòdes explicar cossí fas per aver tant de fòrça per poder soslevar una veitura ?
- Es simple, mon paire es *Iron-man* !

La seguida per deman ...

XOXO, Lobeton.

*SX = Subre Xavi



ENTREVISTA AMB ESTÈVE ROUGIER

Bona novèla, una tresena Calandreta se dobrís en Auvèrnha a Clarfont ! Tornam sul camin d'Estève Rougier, futur regent e cap d'establiment a l'iniciativa del projècte.

Estudièt la lingüistica e partiguèt a Canadà per trabalhar a la revitalizacion de las lengas autoctònas, coma l'inuktitut e l'ino. Aqueste trabalh faguèt resson a la lenga autoctòna de son pròpri parçan, l'occitan auvernhat. L'escotèt pichon dels grands-parents e dels vièlhes del vilatge, dins l'encastre del festenal « Cultures du monde » de Gatnat e demest la còla dels Brayauds. Tornèt cap a la lenga en engolissent totes los libres occitans de la bibliotèca de Montreal - que n'i a un molon !

Tornèt en França amb la talent de perseguir lo seu camin de lenga e dintrèt a Aprene per dobrir una escòla de mai en Auvèrnha. A son dire, a l'epòca parlava pas qu'un « occitan de bibliotèca » e descubriguèt en formacion lo plaser de parlar una vertadièra lenga viventa de longa amb la còla.

Lo camin d'Estève faguèt resson amb la tematica actuala del Congrès per de que met en valor mantun tipe d'immersion : familiara, locala, culturala, escricha e d'interaccion orala de contunh.

Li desiram bon astre per la dubèrtura de l'escòla !

Elisà Sigaud, Sandrina Rey e la còla.

Meteo : ARCOLAAAAN



Oroscòp deu dia
«Caçatz lo galòp, torna en córrer »
Dimècres de ser 22h32

Marro

Fa freg cal
rescalfar la
garganta !

Taur

Pensatz
d'ahrescà's la
canabèra !

Bessons

Es jorn per
cambiar l'aiga
de las olivas !

Cranc

Es pas lo jorn
d'èsser
"pinça",
pagatz pintas
als Aprene 1 !

Leon

«Leon banhat
crenh pas la
cervesa fresca
!»

Verge

Anuèch fasètz
petar la
capsula !

Balança

tot çò que
sabes, xoxo
Lobeton.

Escorpion

Mes-fissa te !

Sagitari

que s'agitarà

Capricòrn

Sortissètz la
bana de la
nèbla que
l'asuèlh es
fosc.

Aquari

Avètz set a
beure la mar
amb los
peisses.

Peish

Siàs pesca
luna !

Realizèron aquel jornal : Melania Issartier, Marlène Longelin,
Julia Pastor, Milena Galinier, Sandrina Rey, Guilhèm Arbiol,
Elisà Sigaud, Leà Puel.

Volètz veire mai del nòstre jornal ? Rendètz-vos sus AICI
ARA : <https://jornal.aprene.org/Aici-ara/>

Jornal fòra seria dels Aprene 1
Congrès Calandreta 2022

Nº 3



Lo 27 de mai de 2022

Mercejaments de la còla per Amandina Garcia
Responsable de publicacion : Xavi Ferré

Resumit del nostre primèr Congrès :



« I calia anar ! », l'immersion precòca en òc

La primièra jornada del Congrès comencèt pel visionatge del film dels 40 ans, seguit del discors de Joan-Francés Albert que ne prepausèt una sintèsi.

La question de l'immersion semblava a la debuta un crit sisclat per l'urgéncia, un biais per que la lenga se moriguèsse pas. Per i respondre, una punhada d'afogats s'escampèron sens se dobtar de las consequéncias tras que positivas del plurilingüisme.

Lo movement se sarrèt puèi de las sciéncias cognitives que pròvan ara que l'aquisicion d'una segonda lenga melhora la primièra e permet una lectura dobla del monde.

Aqueste constat nos balha fisança en tant que futuras regentas e fa sens amb çò que fasèm. Nos permet ara d'envisatjar una dobertura encara mai ampla cap a las autras culturas. I cal anar !

Elisà, Julia, Marlena e la còla

E mercé Amandina !!

CLOSER de la «còlò» :

Felicitacions per los que capitèron los escruches del concurs CRPE, e bon astre per la seguida.

Mercejaments per Amandina que nos ajudèt la setmana tota per aqueles jornals fòra seria. E mei qu'aquò enquèera !

Lobeton, la mascòta dels A1, ausiguèt:

- « Soi lo/la mai amusant(a) ! Normal : vesètz mon atge a costat dels autres co-directors » dimècres de ser,
- « Quora me soi colcada ausissiái de veituras que passavan, de personas que parlavan, èra estranh, èra dins ma tèsta» dijòus de matin,
- « I a un que s'esclafèt dins los escalièrs paure d'el ».

XOXO, Lobeton

(Leà, Melania e la còla)

Grandmercejam dòna Garcia per la paciència, l'ajuda e lo cant !!!

Meteo : 10 000 solelhs e un arcolan !



Oroscòp deu dia

Marro

Ara te'n pòdes
pas anar sus
una camba !

Taur

Sès prèst per
t'espeltirar la
codena !

Bessons

Mèfi de veire
pas en doble !

Cranc

“Lo cranc
ensenha als
pichons de
marchar
dreit” : serà
difícil aduèi.

Leon

Miaula que
miaularàs.

Verge

Nifla ! ont as
fotut
l'aureòla ?

Balança

Tòrna pas
solet, que sès
sul trenca-
balança !

Escorpion

Sès nascut un
jorn ont la
luna èra
palòta !

Sagitari

As la sageta
un pauc
torçada !

Capricòrn

Capriiiiiii es
finit !

Aquari

Peta pas la
mosca a
degun.

Peish

Mèfi que sès a
nadar al
revèrs !

Realizèron aquel jornal : Melania Issartier, Marlena Longelin,
Julia Pastor, Milena Galinier, Sandrina Rey, Guilhèm Arbiol,
Elisà Sigaud, Leà Puel.

Volètz veire mai del nòstre jornal ? Rendètz-vos sus AICÍ
ARA : <https://jornal.aprene.org/Aici-ara/>